

Янги таҳрирдаги «Виждон эркинлиги ва диний ташкилотлар тўғрисида»ги қонун лойиҳаси жамоатчилик муҳокамасида

“ВИЖДОН ЭРКИНЛИГИ ВА ДИНИЙ ТАШКИЛОТЛАР ТЎҒРИСИДА”ГИ ҚОНУН ЛОЙИҲАСИ БЎЙИЧА

I. ЛОЙИҲАДАН КЎЗЛАНГАН АСОСИЙ МАКСАД.

Хар бир шахснинг Инсон ҳуқуқлари умумжаҳон декларацияси, Фуқаролик ва сиёсий ҳуқуқлар тўғрисидаги халқаро пакт ҳамда Ўзбекистон Республикаси Конституцияси билан кафолатланган **виждон эркинлиги ва диний эътиқод ҳуқуқини таъминлаш.**

II. ЛОЙИҲАНИНГ АСОСИЙ ЯНГИЛИКЛАРИ.

1. Қонуности ҳужжатлари билан тартибга солинган соҳадаги муносабатлар ягона қонунга бирлаштирилди.
2. Асосий тушунчалар келтирилди: **“Диний ташкилот”, “миссионерлик ва прозелитизм”, “диний мазмундаги материаллар”** каби тушунчалар очиб берилди.
3. Виждон эркинлигини таъминлаш соҳасида **давлат сиёсатининг асосий йўналишлари ва принциплари** (тенглик, қонун устиворлиги, диний ташкилотлар фаолиятининг шаффофлиги ва очкилиги, диннинг давлатдан ажратилганлиги) ўрнатилмоқда.
4. Соҳада ваколатли бўлган давлат органларининг вазифа ва функциялари чегараси аниқ белгиланган бўлмоқда.
5. Диний ташкилотларнинг **ҳуқуқ ва мажбуриятлари доираси** аниқ белгиланган бўлмоқда.
6. Диний ташкилотларни давлат рўйхатидан ўтказиш тартиб-таомиллари энгиллаштирилмоқда:
 - тақдим этиладиган **ҳужжатлар сони** қисқармоқда;
 - ҳужжатларни **нотариал ва бошқа кўринишларда тасдиқлашга оид талаблар** бекор бўлмоқда;
 - рўйхатдан ўтказиш билан боғлиқ хизматлар **тўлиқ электрон кўринишда** амалга оширилиши жорий этилмоқда;
 - рўйхатдан ўтказишни **рад этиш асослари** аниқ белгиланмоқда.

III. Лойиҳа билан бекор бўлаётган тартиблар.

- 1. Фуқароларнинг **жамоат жойларида ибодат либосларида юришларига йўл қўйилмаслиги** ҳақидаги чеклов олиб ташланмоқда;
- 2. Диний ташкилотни тузишда **маҳалла фуқаролар йиғинлари розилигини олиш** тартиби бекор бўлмоқда;
- 3. Диний ташкилотни тузиш ташаббускорларининг сони **100 нафардан 50 нафарга** қисқартирилмоқда;
- 4. Диний таълим муассасаларида диний таълим беришни шаклларида марказий бошқарув органининг **розилигини олиш талаби** бекор бўлмоқда;
- 5. Диний ташкилотни рўйхатдан ўтказиш учун тақдим этилган ҳужжатларни қўриб чиқишнинг **3 ойлик муддати 1 ой** этиб белгиланмоқда;
- 6. Диний ташкилотнинг рўйхатдан ўтказилганлиги тўғрисидаги **ғувоҳнома ва уставдан дубликат олиш тартиби** бекор бўлмоқда.

IV. Лойиҳа билан ўрнатилаётган қўшимча кафолатлар.

- 1. Хар қандай чекловлар **фақат қонун билан** ҳамда **Ўзбекистон Республикасида жамоат тартибини, бошқа фуқароларнинг ҳаёти, саломатлиги, ахлоқи, ҳуқуқи ва эркинликларини таъминлаш мақсадида** ўрнатилиши мумкин;
- 2. ота-оналар ёки уларнинг ўрнини босувчи шахслар **ўзларнинг болаларига диний амалиёт ва одоб-ахлоқ асосларини ўқитиши** мустаҳкамланмоқда;
- 3. **барча юридик ва жисмоний шахслар** экспертиза ҳулосаси асосида диний мазмундаги материалларни тайёрлаш, Ўзбекистонга олиб кириш ва тарқатиш ҳуқуқига эга бўлмоқда;
- 4. фуқароларидан қатъи назар, **хар қандай шахсга** диний таълим муассасасида профессионал диний таълим олиш ҳуқуқи кафолатланмоқда;
- 5. диний ташкилотни тузиш ҳақидаги йиғиниш ўтказилганда **нейн-3 ой** давмида эмас, **балки 6 ой мундат мобайнида** рўйхатдан ўтказувчи органга мурожаат қилиш ҳуқуқи мустаҳкамланмоқда.

V. Лойиҳа билан ўрнатилаётган чекловлар.

- 1. диний ташкилотларнинг **сиёсий партия ва бошқа жамоат бирлашмаларининг сиёсий мақсадларни назарда tutuvchi фаолиятида иштирок этиши, шунингдек уларга молиявий ёки бошқа қўмак кўрсатиши** мумкин эмас;
- 2. диндан **конституциявий тузумни зўрлик билан ўзгартириш, Ўзбекистон Республикасининг худудий яхлитлиги, суверенитетига путур етказиш, фуқароларнинг конституциявий ҳуқуқ ва эркинликларини камситиш, урушни, миллий, irqiy, этник ёки диний адоватни тарғиб қилиш ва бошқа гаразли мақсадларда** фойдаланишга йўл қўйилмайди;
- 3. жамиятда **конфессиялараро тотувлик ва диний бағрикентликни** бузишга қўмақлашувчи **миссионерлик ва прозелитизмнинг хар қандай кўринишларига** йўл қўйилмайди.

[@huquqiyaxborot](#)

16:14 / 21.08.2020 2117

Адлия вазирлиги томонидан манфаатдор вазирлик ва идоралари билан биргаликда ишлаб чиқилган «Виждон эркинлиги ва диний ташкилотлар тўғрисида»ги Қонуннинг янги таҳрирдаги лойиҳаси жамоатчилик муҳокамаси учун жойлаштирилди

Лойиҳа билан диний ташкилотларни давлат рўйхатидан ўтказиш тартиб-таомиллари энгиллаштирилмоқда, хусусан, тақдим этиладиган ҳужжатлар сони қисқартирилмоқда, давлат хизматлари тўлиқ электрон кўринишда амалга оширилиши жорий этилмоқда, рўйхатдан ўтказишни рад этиш асослари рўйхати аниқ белгиланмоқда.

Қуйидаги тартиблар бекор бўлмоқда:

- диний ташкилотни тузишда маҳалла фуқаролар йиғинлари розилигини олиш тартиби бекор бўлмоқда;

- диний ташкилотни тузиш ташаббускорларининг сони 100 нафардан 50 нафарга қисқартирилмоқда;

- диний таълим муассасаларида диний таълим берувчи шахсларга марказий бошқарув органининг розилигини олиш талаби бекор бўлмоқда;

- диний ташкилотни рўйхатдан ўтказиш учун тақдим этилган ҳужжатларни кўриб чиқишнинг 3 ойлик муддати 1 ой этиб белгиланмоқда.

Лойиҳа муҳокамасида экспертлар, мутахассислар ва барча фуқаролар ўзларининг таклифлари билан қатнашиши мумкин.

Манба: *Ҳуқуқий ахборот телеграм канали*